

## Foghesu. Dna presoneri de sa carta bullada



Una sèrie longa de recursos sighit a treulare sa chistione imboligada in matèria de privatesa e cunsensu e de su deretu de is donadores a èssere informados de su càmbiu de titularidade de is istùdios.

A su cumintzu de custu sèculu de gheiras e pestilèntzias unos cantos iscientziados si sunt abigiados chi in is abitantes de s'Ogliastra su DNA est prus 'pretziosu' de aterue. Prus parìvile, prus fàtzile de lèghere. Unu genetista sardu, Mario Pirastu, creat unu “parcu genèticu” pro istudiare is genes millenàrios de custa terra. Unu disafiu intre passadu e benidore, chirca e interessos chi cumintzant intre Talana e Foghesu e posca interessat is gentes de 10 biddas intre Ogliastra e Barbagia Seulu. In pagos annos benit creadu unu tzentru biològicu, su parcu Genos, in ue s'istùdiant is caraterísticas genéticas e is possìbiles aplicatziones de sa chirca. In deghe annos benint collidos is campiones de 13 mìgia tzitadinos.

Sa colletzione de còdighes acuat s'elisir de longa vida, custoidu in mìgias de provetas. Sa Finàntzia indagat subra de sa SharDna de Renato Soru e giai tando is amministradores cumintzant a si dimandare si totu su patrimoniu genèticu cunservadu in sa biobanca potzat èssere monetizzadu, bèndidu, gestidu, unu nodu giurìdicu a su cale su Garante e is Tribunaes, a sa die de oe, chircant de dare risposta.

Soru in su 2009 at bèndidu a sa Fundatzione San Raffaele. In su 2012 su fallimentu de sa creatura de don Verzè cundennat Shardna a su fallimentu. Ma a su Parcu Genos foghesu is cunsequenzias fiant arribbadas giai in su 2011, cando cun su progetu a curtzu de fundos, is dependentes fiant istados litenziados e su grandu traballu fatu finas a cuddu momentu finidu.

In s'austu de su 2016 isparint 25.000 provetas dae is laboratòrios Genos. Benint agatadas calicunu tempus a pustis in un'ispidale de Casteddu. Su fatu pesat unu casu giuditziàriu. Mario Pirastu e àteras trèighi persones finint in is guais acusados a vàriu

tìtulu de fura agravada, peculadu, abusu de ufitziu, farsidade materiale, violatzione de is normas in matèria de amparu de is datos personales, tratamentu illètzitu de is datos e inosservàntzia de is providimentos de su Garante. Totus sunt istados iscagionados. De cudda faina est abarrada una eredade grae, is campiones fiant istados postos suta secuestro. Dae momentu nemos istùdiat su Dna, chi at lassadu s'Ogliastra e non s'ischit si b'at a fàghere torrada.

Sa batalla est legale, s'iscièntzia podet abetare. Una sèrie longa de recursos chi no acabant.

Boddidu dae:

<https://www.unionesarda.it/3-minuti-con/dna-prigioniero-della-carta-bollata-ria7jzrm>